

آبونه شرائطی

ممالک عثمانیه ده سنه لکی (۶۵)، اقی
آیلغی (۳۵) غروشدور .
ممالک اجنبیه ده سنه لکی (۱۷)، اقی
آیلغی (۹) فرانقدور .

اداره خانه

باب عالی جاده سنده دائرة مخصوصه

اخطارات

آبونه بدلی پشتدر .

§

مملکه موافق آثار مع الممنونیه قبول
اولنور . درج ایدله یی یازیلر احاده
اولونماز .

الکشاف

۱۳۳۰

دینی ، فلسفی ، علمی ، ادبی ، سیاسی هنر تهلق مجموعه اسلامیه در .

والله یهدی من یشاء الی صراط مستقیم

صاحب و مدیر مسئول : مع . اشرف اربیب

اتبعون اهدکم سبیل الرشاد

عدد ۲۶۱

۹ شوال ۱۳۳۱

پنجشنبه

۲۹ اغستوس ۱۳۲۹

جلد ۱۱

اخطارات

رساله من آل مدیغی کو - تزلک شرطیله
یتون یازیلر هر هانکی ر غرت طرفدن
انتباس و اونو بیلیر .

§

مکتوبلرک ، امضالرک ر ضح و اوقوناقلی
ارلدی و آبونه صره نومروسی محتوی
بولونمسی لازندر .

§

ممالک اجنبیه ایچون آبونه اولانلرک
آدرس لرینک فرانسزجه ده یارلمسی رجا
اولنور .

§

پاره کوئدرلدیکی زمان نه یه راز اولدیغیک
واضعا بیلدیرلمسی رجا اولنور .

مدنی آوروپانك وجدان مرحمتہ ایصال ایلر و بولغارلرك اوغرا دینی
یرلری فصل کول بیغینلرینه ، قان دریالرینه چویردیکنی کورمک
ایسته یئرلی بلا تردد بدبخت وطنمزه دعوت ایدهرز . »

تشیون

حکومت عثمانیه - بولغارستان :

استانبول قونفرانسی : برنجی اجتماع . — حکومت عثمانیه ایله
بولغارستان آره سنده کی مسائل مختلف فیهای حل و تسویه
ایله طرفین بیننده حال حربہ نہایت ویرمک و تأمین صلح و مسالمت
ایله مک اوزره دولت عثمانیه و بولغارستان حکومتلری طرفندن
استانبولده مذاکرات رسمیه اجراسنه مأمور ایدیلن مرخصلر ۱۳۲۹
سنه سی آغستوسنک یکریمی آلتنجی و ۱۹۱۳ سنه سی ایلولنک سکزنجی
بازار ایرتسی کونی بایتخت سلطنت سنیده خارجه نظارتنده تخصیص
اولنان دأرده طویلانش و حکومت عثمانیه خارجه ناظری سعید حام
پاشا حضرتلری طرفندن ایراد اولنان نطق افتتاحی متعاقب استانبول
صلح قونفرانسی رسماً کشاد ایدیلرک طرفین مرخصلری برنجی
اجتماعلرینی عقد ایله مشلردر .

مطبوعات مدیریت عمومیه سی ایلاک اجتماع حقنده بروجه آتی تبلیغ
رسمی یی نشر ایله مشدر :

« ذات صدارتپناهی مرخصلری یکدیگرینه تقدیم ایتدکن صوکره
قیصه برنطق ایله مذاکراتک هرایکی مملکت حقنده خیرلی بر صورتده
بر آن اول نتیجه لیمه سی تمی ایله مشدر . بولغارستان برنجی مرخصی
جنرال صاووف دخی ذات حضرت پادشاهینک سعادت وعافیت هایونلری
تمنیا تنده بولوندقن صوکره ذات صدارتپناهی کی مذاکراتک بر آن اول
مملکتین ایچون عین صورتله فائده بخش بر نتیجه یه اقتران ایتسی آرزوسنی
اظهار ایتشدر .

رخصتنامه لر تدقیق و تعاطی اولوندقن صوکره مشاور ملکی و
عسکرلر یکدیگرینه تقدیم و مذاکراته ابتدار اولومشدر . برنجی
مرخص طلعت بک طرفندن ریاست اولونان اشبو اجتماعده حدود و
تابعیت مسئله لرینک مذاکره سنه ابتدار اولونه رق بوبابده تعاطی افکار
اولومشدر .

کله جک اجتماعک پنجنه کونی بعدالزوال ساعت اوچده عقدی
تقرر ایتشدر . مذاکرات اوچده ختام بولمشدر . »

تراکیا :

غربی آدرنه نك اعلامیه استقلال . — آوروپانك ، مملکتلرینی
اداره عثمانیه یه کچمه سنه ممالعت ایتمه سندن متأثر اولان غربی تراکیا
اهالیسی عائله لرینی ، ناموسلرینی ، طور اقلرینی بولغارلرك تکرار

اولان قدسیتی برقات دها آرتاردی و بو وسیله ایله کن کیدن ده تزايد ایدردی
و بین المسلمین وحدت فکریه ، معارفه ، محبت ، صنایعه تشبث چوغالوردی . بو
ایشده برزورق ده یوق . یالکز صادق ، ثباتکار رهبرلریستر . برطرفدن مرکز
خلافت دیگر طرفندن منبع اسلامیت اولان بلده لر ، عالم اسلامه ، نورل صاچاق
برحاله کترالی که امید نجاتمزدخی آرتسون . »

وَتَائِفَاتُ الْإِيجِيَّةِ

غربی آدرنه نك اعلان استقلال بیاننامه سی

کوله جنه ، دده آغاچ ، اسکجه ، قوشیقواق ، اخی چلی ، اگری دره ،
داری دره ، قرجه علی قصبه لرینک مفتی و اشراف و علما و متحیرانندن ایکی یوز
اون اوچ امضا ایله حکومت سنیه یه ، مطبوعات ، اجنبی قونسولسرینه باتفراف
تبلیغ اولنان بیاننامه در :

« بزلر عموم تراکیانک مسلمان اهالیسی آره مزده آتیده کی اسباب
واحوال الیمیه بناء حقوق مدنی و دینی مزه دنیا یه طامعه واک
صوک فردمز قیرلسه بیله بولغار بویوندیرینی آلتنه کیرمامکه قطعاً عهد
و پیمان ایلدک :

۱ — بولغارلر کچن استیلاده جامع لر مزه کلیسایه تحویل ایتمکدن ،
ارکک قادین عموم مسلمانلری جبراً بولغار و خرسیتان یاقمقن ، قادین
وقیرلر مزک ناموسنی دنیا ده امثالی کورولامش بر وحشت لعینه ایله
کیرلتمکدن ، اهالیمز بشیکده کی چو جقلرینه وارنجه یه دک مدھش قتل
عاملرله افنادن ، مال و ملک مزه ینمادن والحاصل کافه مقدسات مزه محو
و تخریبدن بشقه برشی کوسترمیدلر .

۲ — بولغارلرک ایکنجی استیلاسی دخی برنجی یه نظراً عینی مظا -
لک تکررندن بشقه برشی اولیه جقدر . بناء علیه غربی تراکیا
مسلمانلری بو ایکنجی خان استیلا یه قارشوده کاملاً خشیت و نومیدی
ایچنده تیرتمکده در .

۳ — کوله جنه ، قیرجه علی ، اسکجه و حوالیسی اهالی اسلامیه -
سی کاملاً و متحداً حیات و ناموسلرینی برکزه دها محو ایدجک بولغار
مظالمنه قارشو اعلان عصیانده ناچار قالمشدر . بوکا بناء تشکیل
ایتدی کمز ملیس قوتیله مبارزه یه و بولغار مفرزلرینی وطنمزه مقدس
حدودندن طیشاری یه طرد ایتمکه باشلادق و موفق اولدق .

۴ — معروض بولندیغمز فلاکتک عدم وقوعنه یکانه چاره اولق
اوزره موقت بر حکومت ملیه نك تحت اطاعتده اولق اوزره مجاهد -
تمزده ابدیاً دوامه قرار ویردک .

۵ — دوچار اولدیغمز فلاکت و مظالمک عیننه دوچار ایدیلن
روم و طنداشلر مزکده بوحس و قرار مزه کاملاً اشتراک ایتمکه اولدق لرینی
تأمین ایدهرز .

۶ — بوسدای مظلومیت مزه هیچ برقوه ظالمه نك بزى کندیسندن
آیرمسنه امکان متصور اولیان حکومت عثمانیه نك و یوز بیکارجه بیچاره یی
بولغارستان سیاست جلادانه سنه بلا انصاف ترک ایتیه جکنه امین اولدیغمز